

толикѣи другіи. Азъ же да не простираюся и понеже намѣреніе мое нѣсть здѣ описати разныя эпохи въ нихже просвѣтишася толика племена въ Европѣ, само хочу показати единороднымъ моимъ оно еже ползуетъ ихъ и лишше ободряетъ, сирѣчь, да изидуть отъ всякаго сумненія, да оставутъ хладное свое нечувствіе и да узрятъ яко ниже единъ народъ dospѣти можетъ желательнаго степеня, просвѣщенію не сущу. Примѣчайте изъ самыхъ послѣднихъ тѣхъ словесъ того великоумнаго и неудобообрѣтаемаго Монарха Петра Великаго иже называется и отецъ отечества, во время егда бѣяшеся со Швейцарами, гдѣ обрѣташеся онъ самъ подъ владѣніемъ адмирала *) Апраксена, и по единомъ славномъ подвизѣ егоже сотвори противу Швейцарскою флотою въ Балтійскомъ мори, вниде съ торжествомъ въ Петербургъ, гдѣ весь народъ дыхаше едину неизглаголанну радость любви ради къ нему и отечественнѣй славы, тогда послѣдова сей неподражаемый Господарь глаголы сія, иже достойни суть прейти даже до послѣднѣйшихъ потомцевъ.

*) Адмиралъ есть арабска речъ, отъ кон я зеха Латини, и значи корабленачалникъ надъ една чета царскій корабль сосъ войны именуема (флота).